



XALQ DEPUTATLARI BUXORO VILOYATI KENGASHINING QARORI

2022 - yil 30 - dekabr

VI-72-159-2-0-K/22

Buxoro viloyati hokimligi

Бухоро вилояти бўйича 2023 йил учун жисмоний ва юридик шахсларнинг ер солиғи ставкаларини тасдиқлаш тўғрисида

Ўзбекистон Республикаси Солиқ Кодексининг 429 ва 437-моддалари, Ўзбекистон Республикаси Президентининг 2020 йил 3 декабрдаги “Ресурс солиқлари ва мол-мулк солиғини янада такомиллаштириш тўғрисида”ги ПФ-6121-сон Фармонида асосан Бухоро вилояти бўйича юридик шахсларнинг қишлоқ хўжалигига мўлжалланмаган ерлари ва жисмоний шахслар учун белгиланган ер солиқларининг 2023 йил учун солиқ ставкаларини тартибга солиш мақсадида халқ депутатлари вилоят Кенгаши

ҚАРОР ҚИЛАДИ:

1. Ўзбекистон Республикаси Солиқ Кодексининг 429 ва 437-моддаларига асосан 2023 йилда Бухоро вилояти бўйича юридик шахсларнинг қишлоқ хўжалигида мўлжалланмаган ерлари базавий солиқ ставкаси 1 гектар учун мутлақ миқдори 32,0 млн.сўм ҳамда жисмоний шахсларга 1 кв.м учун базавий солиқ ставкасининг мутлақ миқдори 286,0 сўм этиб белгиланганлиги маълумот учун қабул қилинсин.

2. Вилоят ҳокимлиги молия бош бошқармаси (Б.Адилов) ҳамда вилоят давлат солиқ бошқармаси (М.Маматханов)нинг ҳудудларнинг иқтисодий ривожланганлик даражаси ҳамда маҳаллий давлат ҳокимияти органларининг келгуси йил учун белгиланган маҳаллий бюджет прогнозидан келиб чиқиб туманлар ва шаҳарлар бўйича 2023 йилда юридик ва жисмоний шахсларнинг базавий ер солиғи ставкаларининг мутлақ миқдорларига нисбатан коэффицентларни қўллаш бўйича таклифлари инобатга олинсин.

3. Шаҳарлар ва туманларнинг иқтисодий салоҳияти ва ривожланишига қараб, қишлоқ хўжалиги учун мўлжалланмаган ерлар учун юридик шахслар бўйича 2023 йилда Бухоро вилояти учун мутлақ миқдорда белгиланган ер солиғининг базавий солиқ ставкаларига қўлланиладиган коэффицентлар миқдорлари 1-иловага ҳамда шаҳарлар ва туманларнинг иқтисодий салоҳияти ва ривожланишига қараб, жисмоний шахслар бўйича (деҳқон хўжалигини юритиш учун берилган қишлоқ хўжалигига мўлжаллаган ерлардан ташқари) 2023 йилда Бухоро вилояти учун мутлақ миқдорда 1 кв.м. учун белгиланган базавий солиқ ставкаларига қўлланиладиган коэффицентлар миқдорлари 2-иловага мувофиқ тасдиқлансин.

4. Халқ депутатлари шаҳарлар ва туманлар Кенгашлари маҳаллий бюджет прогнозларини инобатга олиб, 1 ва 2-иловага асосан қўлланиладиган коэффициентларга нисбатан тегишли ҳудудда жойлашган даҳа, мавзе, маҳалла, кўча кесимида 0,7 дан 3,0 миқдорда камайтирувчи ва оширувчи коэффициентларни белгилаш ҳуқуқига эга эканлиги қайд этилсин.

5. Халқ депутатлари шаҳарлар ва туманлар Кенгашлари тегишли ҳудудда жойлашган даҳа, мавзе, маҳалла, кўча кесимида юридик ва жисмоний шахслар учун 2023 йилда белгиланган ер солиқ ставкаларини ҳудудлардаги солиқ органларига тақдим этилишини таъминласин.

6. Вилоят ҳокимлиги ушбу қарор билан маъқулланган Бухоро вилояти бўйича 2023 йил учун жисмоний ва юридик шахсларнинг ер солиғи ставкалари бўйича маълумотларни “Бухоронома” ва “Бухарский вестник” газеталарида ҳамда вилоят ҳокимлигининг расмий вебсайтида эълон қилсин.

7. Халқ депутатлари вилоят Кенгашининг 2022 йил 1 февралдаги “Бухоро вилояти бўйича 2022 йилда қишлоқ хўжалигида мўлжалланмаган ерлар учун жисмоний ва юридик шахсларнинг ер солиғи ставкаларини ҳамда юридик шахслар учун мол-мулк солиғини ҳисоблашда кўчмас мулкларга 1 кв.метр учун белгиланадиган минимал миқдорига ўзгартириш киритиш тўғрисида”ги VI-49-11-2-0-K/22-сон қарорининг 1 ва 2-иловалари ўз кучини йўқотган деб ҳисоблансин.

8. Мазкур қарорнинг бажарилишини назорат қилиш халқ депутатлари вилоят Кенгашининг маҳаллий бюджет, иқтисодий ислохотларни амалга ошириш, инвестициялар ва тадбиркорликни ривожлантириш бўйича доимий комиссияси (М.Ҳомидов) зиммасига юклансин.

9. Ушбу қарор 2023 йил 1 январдан эътиборан кучга киради.

Кенгаш раиси



Б. Зарипов

Xalq deputatlari Buxoro viloyat
Kengashining
2022 yil 30 dekabrda
VI-72-159-2-0-K/22-son qaroriga
1-ilova

**Қишлоқ хўжалиги учун мўлжалланмаган ерлар учун юридик шахслар бўйича
2023 йилда Бухоро вилояти учун мутлоқ миқдорда белгиланган ер солиғининг базавий солиқ
ставкаларига қўлланиладиган коэффициентлар**

Т.Р	Шаҳарлар ва туманлар номи	Юридик шахсларнинг қишлоқ хўжалигига мўлжалланмаган ерлари учун ер солиғи ставкаси 2023 йил учун	
		Коэффициент миқдори	Солиқ суммаси (1 гектар учун, сўмда)
1	Бухоро шаҳри	1,59	50 880 000,0
2	Когон шаҳри	1,05	33 600 000,0
3	Олот тумани	0,89	28 480 000,0
4	Бухоро тумани	0,89	28 480 000,0
5	Вобкент тумани	0,83	26 560 000,0
6	Ғиждувон тумани	1,01	32 320 000,0
7	Когон тумани	0,93	29 760 000,0
8	Қорақўл тумани	0,89	28 480 000,0
9	Қоровулбозор тумани	0,96	30 720 000,0
10	Пешку тумани	0,86	27 520 000,0
11	Ромитан тумани	0,89	28 480 000,0
12	Жондор тумани	0,83	26 560 000,0
13	Шофиркон тумани	0,83	26 560 000,0

Xalq deputatlari Buxoro viloyat
Kengashining
2022 yil 30 dekabrda
VI-72-159-2-0-K/22-son qaroriga
2-ilova

**Жисмоний шахслар бўйича (деҳқон хўжалигини юритиш учун берилган қишлоқ хўжалигига
мўлжаллаган ерлардан ташқари) 2023 йилда Бухоро вилояти учун мутлоқ миқдорда 1 кв.м. учун
белгиланган базавий солиқ ставкаларига қўланиладиган коэффицентлар**

Т.Р	Шаҳарлар ва туманлар номи	Жисмоний шахслар учун ер солиғи ставкаси 2023 йил учун	
		Коэффицент миқдори	Солиқ суммаси (1 кв.м учун, сўмда)
1	Бухоро шаҳри	1,49	426,00
2	Когон шаҳри	0,96	275,00
3	Олот тумани	0,87	247,00
4	Бухоро тумани	0,84	240,00
5	Вобкент тумани	0,84	240,00
6	Ғиждувон тумани	0,99	283,00
7	Когон тумани	0,89	255,00
8	Қорақўл тумани	0,84	240,00
9	Қоровулбозор тумани	0,93	266,00
10	Пешку тумани	0,88	250,00
11	Ромитан тумани	0,86	245,00
12	Жондор тумани	0,86	245,00
13	Шофиркон тумани	0,82	235,00